

檳城新報

Printed and Published by Lim Seng Hoo at the "LAT PAU" Press No. 230 & 232, Beach Street, Singapore.

閱報聲明 ○啓者本館新聞紙貨價期附張自丙申年六月十一日起除禮拜外逐日分派送閱 諸君賜閱全年者銀十元六個月銀六元四個月銀五元二個月銀三元外埠全年並費十二元零沽每張五占至於刊印告白者第一日每字一占第二日每字半占字多及長刊者另議再本館所登來札原擇其有益世道人心者亦須無碍於人並宜真附里而後始錄諸君來札當爲見諒至來稿登與不登均不能將原稿收回此佈 本館主人白

日人志滿

錄目

日人志滿	美學總統	上事紀聞	美人防俄
沉島奇聞	美民富足	海軍利器	謝若觀火
廣通支路	日人乞地	國語學校	泉泰發紀
府案二則	眼界一新	大雨以風	新建廟宇
貞婦有智	莽漢吃虧	雷聲味良	各行告白

中東一役凡在華民至今思之猶有餘痛獨官場之積習如故若秦人視越人之肥瘠漠不相聞者茲特將日本國民友報譯出其議論出自日人無怪其誇張揚厲特中朝受諸公見之亦有所愧蓋吾也嗚呼意者其論曰日本之振興者蓋三矣其甫與外人貿易海禁遂開固漠然無步武泰西之志即或有之亦惟望塵而拜耳其後雖有西人教士力亦幸其後風氣少開日人始究心西學擇其最要而有益者次第行深願他日相與有成得與域內教化之邦同德齊力亦幸其矣迨至甲午之戰既成和局不獨足以迫諸國且自信其任事之權不減諸國也此皆日本向慕西法講求教化所以日新而月異也至於航海一業其興起之機大都經歷數變迴溯維新之始固無所謂航海者改易政事而海疆之際得以自來往自如者亦惟他國船隻而已夫日本既無輪船則由此口往彼口者不得不借重外國之船而水脚利權且盡外溢矣當此時也誰料航海之興有如今日耶耶爾時既久受益逾多蓋洋船且用日本水手矣日本國中設航海學堂以教少年矣且多選聰穎子弟赴洋留學矣皆屬大副機師皆教育成材特任逾缺矣論船公司造船場次第建設矣日人於是歡欣鼓舞方信其航海一術只能實力講求亦足以顯顯西人矣至於今而奢願乃償也非敢謂事事能爭勝西人而海內觀其興起之機亦不得置諸人後查現時日本輪船已往倫敦及安脫普不日將往美洲澳洲不及半年常見日本國旗招搖而過蘇彝士之峽每月四期且日本水手將浮太平洋印度南洋得意而歌乘風破浪之曲吁何其盛哉夫日本航海之業興也勃然豈無故耶試即其有輪船之始與近日之事並觀之大抵輪船與水師相爲表裏各國皆然而日本尤顯焉者也一千八百七十一年間日本祇有輪船七十一艘共載重三萬零九百零四墩皆舊式旁輪之船當德川秉政之末各藩所購者也原係別國平常商船各藩購歸作爲戰艦遇有鄰封彼此侵軼或外人犯均資禦侮也其年值廢藩歸政所有船隻概入皇家復分別去留擇售於私家轉送公司公司祇以海濱生意仍不能自立此日本有輪船之始固因水師而後成者也越三載爲一千八百七十四年適有臺灣之役大興水師其時更政未久戰具未完朝廷向別國購輪船十三號共載重一萬三千墩船上駕駛官弁皆西人也日本士民一若未經訓練難禁本國南海之風濤也者嗣經日本使臣大久保訂成於北京修好退兵新購之十三船不復歸朝廷軍隊而借與三菱公司作爲商船矣該公司係土佐族人巖崎彌太郎所設初僅二三輪艘往來於土佐省及大坂城三百餘里之間聞既得此除新船乃推廣其業凡橫濱神戶中國上海皆往來自便裝運貨客遂爲日本郵船會社之權輿至今東方洋海商務居其大半且與西國公司各國招商輪船往來各埠者爭先角

花紅若干包還公司至經理運項內所有搭客運貨係自龍州至鎮南關并鎮南關至諒山以次各處由中國往越南或越南往中國即仿照各電報局之例互相對分歸清算 第四款中國鐵路搭客運貨及越南之法國鐵路搭客運貨均由公司酌擬價數中國則請中國官局定准越南則請法官定准總宜一律相同 第五條龍州越南各處相連鐵路之材料雜物機器車輛器具傢火等件無論何項關稅差費一概免納至鐵路所用華人中國自設安法令其相安如命工作無常 第六條凡築造經理鐵路之材料雜物機器車輛器具傢火等件無論何項關稅差費一概免納至鐵路所用華人中國自設安法令其相安如若何履勘後酌量情形由中國官局自定此大合同以三十六年爲期期滿亦准會商展久新立 第八條中國官局與此章程訂明如何承辦築造經理之公司遇因事故差差應由官局公司各擇其一此二人復公擇其一以便三人會議公斷惟三者必須法國或中國之人此次大合同結就漢法文各二分彼此存收各一分遇事可懸不符之處以法文爲准

英德電音 ○本初七日英京勞打來電言法京官員消息云中國曾聘法員到閩辦理福州船廠其所立約字本初五日經在中國北京畫押矣○又言德國消息云英派戰艦駛往然而各國洋面因防加力復行謀亂也該報又云加力若再敢亂爲行事德國國家定欲驅逐出境不准居住德國轄內云

日增戰艦 ○英京西報云聞日本擬欲再購大鐵甲戰艦三艘刻下英國某船廠有人票定製一艘可載重一萬四千九百墩其價目多少尚未詳明按日人自與中國議定後添置戰艦炮所費何止千萬如此極力整頓海軍不難爭雄於泰西各國也

亦無益也 ○英京西報云現今法國有新製一種戰艦能提打海底水雷聞目下法水師大臣麥爾擬將先爲試用如果合式即藏貯港口水雷保護人意思想所不到矣乃復有新式戰艦能破水雷者尤爲神乎其用然安知果日不更有一物焉足以制破水雷之戰艦耶愈出愈奇相尋何所底止古時拙陋之雷以之得天下則有餘今雖精巧百倍而以一守一國且不足云弄巧反拙不其然乎究之世變遷流固亦勢所必至也豈特船械然哉

英德譯聞 ○德西報云加力之僑王位乃係干犯國典前求我國領事保護我國領事意欲執送下戰艦亦理所當然也

英德譯聞 ○德西報云加力之僑王位乃係干犯國典前求我國領事保護我國領事意欲執送下戰艦亦理所當然也

安善然後許其得此王位也該報又云當英兵攻擊加力時觀其軍容似無教督然者至加力爲王之事領事已經面許未免所言不信云

鐵路連俄 ○有友自鐵路工程處來者謂俄國新造鐵路與我山海關外之新造鐵路兩相接連現此項工程總署已允分與俄人承辦華商不得與聞大約明春杏花時節即須開工想此後東三省商務不難蒸蒸日上矣

美國新例 ○華民旅居美邦者其數頗衆而惟閱粵兩省人爲最多現經美政府以族美華人頗形庶衆何以每年所收人稅竟止寥寥恐其中華民不免有取巧不納等弊茲議定新例以後倘有不納人稅者一經查出定例監禁三年罰作苦工其所得工錢即以補交人稅惟美員尙有謂此例未免太苛者謂此議爲是未識究竟能否照行續聞再錄

留心日報 ○英京寫兒報載云阿比先尼亞王極爲各國報館所稱譽凡歐洲關係時局各報咸親自披覽或令人展讀之津津有味此次大與意軍爭戰特在所住帳房旁設一帳以寓各報訪事此事雖小然於政事實大有裨益云

亞齊大旱 ○和亞齊連連戰不休本報已書之屢矣茲得亞齊消息言目下該處旱魃爲虐雨師久不洩止天氣異常炎熱蒲扇揮汗猶雨下和兵與土番戰事因之停止云

此助消息 ○本埠西報載安順埠消息言該轄之爪勝江沙地方府憲有呈稟吡叻國家言目下該處米穀騰貴貧民謀食艱且居民患瘧瘋之症甚多並未設法醫治任其播弄良家婦女以傳種類與平民並居難處恐此貽患誠爲不鮮云所稟如此想國家當必設法處置以除民患也

暹海風濤 ○暹羅海面向無風患故行船者恒以此爲坦途乃不知其事有難逆料者昨接網略來信云前數日暹羅海面忽覺暴風陡作大有颶風之勢海中并起三角浪勢甚美富其風係由東西方夾吹轉向西北方而去是時藍煙筒輪船美留沙適由暹出口船中載有牛隻二百頭突遭此風中有廿四頭被浪掀落海中然則其風浪之狂有可見矣

呂宋風耗續聞 ○小呂宋風耗實在情形殊難確知然據南洋消息則謂亂黨現在飲跡不敢妄動惟若輩在加國省奪據某寺改作巢穴甚爲鞏固

鐵管放水筒

售發器機式各造製

司理人 挨輦白

THE A. P. K.
BOTTLING & AERATED WATER CO.
PENANG.

自告安保

巧 藝 問 世

啓者 靈驗 橫發 舊士 號明 光緒 大革

告白

**CROWN
MILLS**

XXX

BAKERS FLOUR

STOCKTON MILLING CO.
STOCKTON, CALIFORNIA.
 SAN FRANCISCO OFFICE.
 112 CALIFORNIA STREET.

名 芳 理 代

生生生

FOOK LUK SIU
DRUGGIST
19, CAMARON Street

大取婦降虛柯

陽寒零 紅雲血 紅接樹 福祿壽

本藥 諸 詢問 一千

房啓

CHONG LEE THONG, DENTIST.
204, CHULLA STREET.

白 鹽 招 賣

告不鹽棧諸君一百號承無差

白。

NORTHERN ASSURANCE COMPANY.
HERM. JEBSEN & Co., AGENTS.

代理保險告白

於後限公暗散保司君其

售出貨雜車器機

火車 帶釘 火船 文藝 鐵 家 商 計

啓

西醫挨美盾藥房

GEORGE TOWN DISPENSARY.
P. AYETOOM.

蜜實直西藥房

館 呀 嚟 嶼 榔 檳

啓

○啓者本公司代理

加貨物

與例

久爲

該店取鏡覺無所有... 欲無可述即向某舖購取白飯一碗... 甲既得原璧即向坑廟內將飯撈起用清清水淘食而去...

千部局告白 ○啓者本局欲請一修理水銀人員每月薪金二十五元欲充斯缺者可寫信交本局副司理人限至本月十六日英十月廿二號拜四下午四點鐘止其信面要寫明討修理水銀人員之缺倘有錄錄不錄用此佈

荷蘭總領事官告示 ○大荷蘭國署駐紮檳城總領事官室 爲招投餉碼事照得本轄下吉里汶地方之賭碼及豕肉碼定於本月廿二號即華九月十六號拜四在署內之丹戎檳榔再行出投此碼係承充一千八百九十七年一載爲期或承承至一千八百九十八年二載之期均無不可爲此示仰商民人等一體知悉爾等有欲承此碼者如期前往投充可也特諭

恭頌良醫 ○啓者余前患癩症初起大如碗面頸項不能轉動兼又下消四肢軟弱諸醫束手後聞 康金液先生醫道高明往求診治一經診治效立見宛如神仙再世實令人拜服愧無以報聊述數行俾求醫者知 先生有活人妙術也先生住港仔口新萬山後與利棧樓上謹此附聞

西藥寄售告白 ○啓者余法國人也曾在美國聖禮勝地方行道活人其衆茲到 貴埠寓荷蓮的酒樓第廿八號房有帶到在聖禮勝所製西藥等約現寄在土庫街廣榮春號出售每件價銀一元其所治何症及如何用法約包面均有詳明 諸君賜顧請臨該處親自選擇若問症須同取單爲憑酒樓診視每日限上午十點至下午一點爲過時暨禮拜均不候此佈

客棧招賃 ○啓者土庫街海傍成南客棧即舊舖樓頂有住眷廳房出賃包理伙食茶水概爲便宜如有合式者請移 玉到敝棧面議可也

小種招售 ○本號親到武夷名巖揀選真正頂上小種用秘法配製善能消食化痰清虛熱辟邪氣久飲不碍脾胃洵爲妙品又有頂上種茶味極清香久已馳名遠近茲特運來檳城發售 諸君賜顧者請到中街老萬全藥舖內相商本號意欲以廣銷場故取價格外廉宜此佈

天下各國之奇聞 ○竊以五洲之大凡所謂要隘名區非躬親遊歷者不能窺其美備余性好遊覽曾遍歷各國其間之名勝要區莫不映成一圖以爲之因念夫好遊之士有志未逮不免徒抱向隅不忍秘其所有因按圖以進配以顯鏡俾人一目了然無異身臨其地謂非人生快事乎前曾過貴助各埠蒙諸仕商光顧幾于應接不暇茲于昨日行抵 貴埠擬于蓮花河草埔李相好翁住屋右畔李不嫌翁舊屋中支架幕幕供人觀看接日自下午四點起至夜間十一點鐘爲止如蒙賜顧可到蓮花河草埔買票每張銀二角童子半價如欲抱幼孩之人亦只收半價 諸君欲寬眼界者其勿惜此微費而失却機緣也此佈

吉林人參 ○上海天元號專辦吉林人參馳名已久有餘年矣近分運來南洋行銷檳城託在萬得豐代售定價誠實退還無欺倘蒙賜顧者請到中街永萬豐行內可也

洞若觀火 ○美國五洲大事月報論歐洲英俄大勢其說曰今以兵力而論俄人據有波蘭等處形勢殊勝俄荷不欲在歐佔踞地方自不至以吾爲心虎視各國而各國亦無事防維兩不相下矣英人據土屬之埃及歐洲大局誠受其福何哉英以基不拉大馬勒大西布士埃及等國扼險屯兵自足與俄人抗衡使不得逞於地中海昔利亞亞刺伯米蘇波探米亞之國應仍隸土耳其其版藉上君亦應遷都於巴格達或達馬斯克斯庶得形勢之勝而俄人歸義屬摩格哥孔哥爾國宜屬法人盧宋堡宜讓德人米茲宜返於法庶幾勢均力敵通力合作足與俄人相拒此非洲北境之情形也其間樞紐仍在土國上國強則俄人不敢窺伺土國弱則英人亦無從左右之也土人其知警乎

廣通支路 ○德意志合廿五邦爲一國公推普魯士國爲領袖今普魯士公家在德國總議院議定准造分支鐵路十八條計費德金六萬五兆五億零三千瑪克按鐵路爲富國之大宗雖費鉅金如設肆之成本本愈多利息愈厚也中國蘇運鐵路僅需二百餘萬金當事者倘復新之不知其欲害中國到何地步而後已也書至此不禁擲筆三嘆

日人乞地 ○日人在蘇垣開墾通商請以盤門外青陽地爲租界上憲已許之矣茲接蘇友來信言日官復堅索盤門外之南濠山塘以及舊門外之五龍橋等處各大憲再四籌商祇許日官在閶門外擇地築一馬路以便車馬馳騁餘事則斷不能俯如所請云云聞日官不日將動路動工矣

國語學校 ○日本國語學校台北設有專科前已卒業考取蔡啓明等三人以台北縣屬通譯官用茲台北城內丁奎樓書院設立教育會以爲國語學校事務所風山民政支廳衙門則出示曉諭開設學校擬廣招生徒入學專習分給費生自費生兩等給費生限二十名自費生限四十名從此教授國語無言語不通上下閭閻之慮矣

泉案彙紀 ○華人謝某何某被國家控告竊盜及收貯盜贓在案本月初九日由泉憲及陪審人員究問各陪審判何某無罪請予恩釋至謝某案則詳臬本初九日泉憲審問判罰監禁三年充作苦工

府案三則 ○閩人周梅在本埠大門樓地方被暗差搜其居屋有煙灰膏一匣拘擊交案本月初九日府憲訊問判罰銀六十元 本埠過海有船一條路有曾黃三姓車館比隣也本初七日因曾姓之車僱置黃姓屋前致生口角繼逐挾案兩相鬥毆初八日復行滋事被國家總差帶同巡差拘獲八人交案初九日府憲提訊問何故滋生釁端以致地方不靖殊屬目無法紀今因首次每人罰銀五元以爲懲儆如敢再犯定即嚴責不貸諭畢八人唯唯而退

眼界一新 ○那掃打里兄弟所映天下各國之名勝其美如詳備業已錄之報矣案該圖景有各處山水各國爭戰種種奇觀固爲無美不備最奇者有真獸齒一對大逾於掌一重一十四磅一重一十五磅聞該獸生于俄國係數千年以前之物其尾長六七十尺奇怪物也且夜間往觀者有千里鏡一具可以觀月中無微不顯尤爲奇妙聞不日將往別埠目下價值大減大人每位只收銀二角童子減半 諸君欲新眼界者幸勿勿失此良機也

大雨以風 ○據訪事人稱有友人劉某由廈門附豐隆大船來嶼言及金廈兩島于八月十七日雨師蒞止風伯大展威靈助紂爲虐連日淫風淫雨開霽該處附近江旁者盡成澤國水勢洶湧流崩裂樹木亦多有傷損云

酒杞實委



油土葛龍

啓者本號代理龍葛王帽標土油選料精製光潔百倍尋常...

代理人萬榮號謹啓 客百九十九號此預聞

售發車針且靈威

威靈且靈衣針車其運用輕捷製造美倫久已遠近馳名...

兌發柴火標鷹弟兄葛


本公司所售鷹標火柴工料精妙既燃燃之如意復潤濕之無虞...



白告行銀公小囉和

啓者本銀行自西一千八百二十四年在和國開設計今垂七十餘載矣...

兌出酒蜜標匙鎖 酒蜜標頭狗



啓者本公司自英一千八百七十九年由歐洲辦到上等蜜酒...



啓者本號由歐洲自辦上等狗頭標白蜜酒...

白告醫西

啓者本藥房開設在漆木街第二號門牌...



本號採辦祖家各項藥料出兌並製上好咳嗽藥水...

館醫西中氏恒彼州福

余之中外醫學淵源有自華醫則蒙 先大人景范公傳授西醫則蒙 大美國名醫柯氏...

相映輝中月 售出鹽食式各

啓者社尾過港仔順昌號門牌第三號港仔口順安號門牌第六十二號所採安南...

賣發部報電

啓者本行代理探辦歐洲各款雜物異常巧妙久已馳名...

英一千八百九十
六年十月十九號

THE "PENANG SIN POE" 號八十八百二第 CHINESE DAILY NEWS.

檳城新報

印一拜禮拜門號二十三百二第十三百二第街中在設開館本

Printed and Published by Lim See Ewe at the "Chinese Press" No. 23 & 25, Malacca Street, Singapore.

大清光緒廿二年
丙申九月十三日

勝也蓋自該公司興起以來日本航海之術以精無他輪船多爭勝急也又太平洋郵船公司專以輪船往來上海橫濱與日本各公司仇忿相爭尤於該公司有不和上下之勢以致情形洶湧日甚一日日本輪船并無修理之資其汽機皆舊式燒煤較別國為多故郵便汽船公司歷盡艱辛幾至不支日廷遂收回從前售出之輪船十八隻連各項物產一併賣於三菱公司自是而後與太平洋郵船公司爭勝惟此一家而已當斯會也止使嚴崎神太郎得以抒其抱負鼓其銳氣特是支持不易雖有日廷為之輔翼得以奪太平洋公司之先而資斧之虧絀者蓋已二十八萬三千元矣兩家相持者八月有餘卒之太平洋公司船隻物產皆歸三菱事以了結並經言明太平洋公司輪船不能往來上海以三十年為期而三菱亦自願不令輪船往來美洲與之爭利是役也三菱公司得輪船四隻載重四千四百噸方謂爭端可息矣無如一波甫平一波復起較之前事尤有甚焉一千八百七十六年二月鐵行公司又派輪船往來北路三菱與之爭為時亦久後以三菱水脚減收辦理妥洽鐵行公司不得已退避三舍而三菱公司又虧二十九萬四千元矣然經此爭勝以後三菱得獨攬利權且推廣商務往來中國北方諸埠及烟台天津牛莊等處

美舉總統 ○本埠西報接得本初八日英京勞打來電言美國總統現將屆期人民欲舉目根據者計數約有二百七十名欲舉勿勝顯者計數約有一百二十名此外更有六十七名尚未定舉立何人云

土事紀聞 ○同日英京電言英庫務大臣查爾斯士廷及各官員同謀縱土民殺害亞美爾人民一事于理其屬不公俄奧德等國之意又不欲剪滅土廷若此則我英國只得與俄奧德等國會同參酌迫令土廷設立新例保護亞美爾人民○喜君又言埃及之兵攻擊四丹士民既至網歐勝地方然後欲再進兵前往云○英外部大臣加爾君言埃及及攻擊四丹與兵侵略進至加敦地方須遍捕埃及及旗幟諒能平靖其地云

英人防俄 ○英京西報云天氣異常清明不久必有風雨現下東方大局雖外稱平定異日必生禍變之事不過遲速間耳觀各報所載俄時常遣派戰艦駛駐東海而陸兵亦陸續運來東方目下俄陸兵之駐附近東海者約有二十七萬七千名之多且行軍醫所及醫治兵士之醫生均已逐一備便前日本有創設一種鐵床以扶兵士受傷者之用俄亦仿而為之且近日俄又有一隊戰艦大鐵甲戰艦一艘一號巡船六隻二號巡船兩隻巡邏水雷船兩隻小戰艦六隻小水雷船七隻將欲駛往東海會同俄前所派駐東海諸艦俄人如此舉動其中必有深故設若非欲起事則必用以提防他國俄若提防他國則日本定亦不欲起事我英國原亦欲天下共保太平之局至中國更不可不言矣而竊觀俄之所為又似非不欲舉事然者刻中國在旅順修理炮臺添置軍械儲備煤炭中國并無戰艦儲此有何所用其意必欲助俄中國既欲助俄則與俄相敵者惟日人耳中國如此極力布置各事其心不忘舊恨可知且俄員在旅順滿洲各處常有往來於此可知其中必非無故矣俄此番遣派戰艦駛來東海諒李傅相鴻章前到俄京時必有參酌此事如何之處我英國須明目以觀早為備防不可令及時有意外之變也西報所言如此譯錄之下不禁喟然嘆曰歐亞二洲大局真岌岌其危哉觀俄皇遊歷各國俱言深望以後相和和睦睦使天下共安無事之福竊恐口雖如此其心未必盡然也俄之一舉一動無不注意東方其立心實無從揣測中國助俄恐無其事而中國制俄亦斷不能俄一起事東方大局將不可為俄人之所注意在中國抑在日本旁觀者安所得而知然中日昆連之國唇亡齒寒豈有獨安之理是無論俄人果否起事于中國而中國總無安枕高臥之一時雖然中國固可憂英人之憂視中國為更切何也中國船械全無何從禦敵萬一有變惟有束手聽其所為而已英之商務全在東方東方發生英之商務必至一敗塗地不得比往年中東一役也英國海軍冠于各國者全藉商務以維持耳商務壞則海軍每年開銷之費將從何項而籌英國地利既已搜括無遺所有屬島皆在萬里以外想亦不過如東方之商務時盛亦盛時衰亦衰安能長恃以無恐故中國有變憂必及于英人西報之言英當防俄其說固無以易矣但往日防俄何濟于事防俄即以防商務商務必先使中國無干戈之事而長保太平也

沉島奇聞 ○英京西報言南亞利加之小島有緩巴爾里者該島長有十八英里闊六英里其中居民多以捕魚為業日乘小舟往來于海邊各處一日該處地震其勢頗甚未幾全島漸漸下沉久而樹木屋宇全然不見俱入龍宮矣幸居民均赴搭小舟逃往亞美利加之芝里地方故遇害者尚無多人云

美民富足 ○英京某報言美國人民有百萬產業者約有四千餘家案美國地大物饒民多富足故東方商務美人不甚着意蓋以國內所產已有餘裕也觀西報所言則美民富足之說益信

海軍利器 ○西報云花旗南北交戰事在一千八百六十一年其浮及尼省曾造戰艦四艘可在水中行走惟法制未備不良於行刻聞美國政局新造一戰艦頗有制度能於海底行駛浮沉進退均能自如快砲魚雷無不齊備而且飛行絕跡神速異常他日造成出塢海軍中又添一利器矣

閱報聲明 ○啓者本館新聞紙貨價船期附張自丙申年六月十一日起除禮拜外逐日分派送閱 諸君賜閱全年者銀十元六個月銀六元四個月銀五元六個月銀三元外埠全年並費十二元零沽每張五占至於刊印告白者第一日每字一占第二日每字半占字多及長刊者另議再本館所登來札原擇其有關世道人心者否亦須無碍於人並寫真得里而後始錄諸君來札當為見諒至來稿登與不登均不能將原稿收回此佈 本館主人白

錄目

論檳城花會難禁
應力壯大
爪亞地震
銀行查賬
詳泉候判

英電譯登
參酌抽餉
日造戰艦
泉意會審
拍賣輪船

俄高密約
馬江船政
受德不忘
命案展訊
定劫難逃

講究商務
泗水市景
韓城尺鯉
竊賊嚴禁
可謂知命

論檳城花會難禁

客或問于余曰檳城花會之風近日大盛圍圍婦女終日顛倒其中如蟻附蟻如蠅逐臭貽害地方良非淺鮮子曾不一言及何哉豈以為無所關係之事不甚置之意中耶竊謂花會之風不熄其禍將不能料其所窮獨是今日而禁花會亦有大難者花會之設原始於無賴之徒冒法而為以騙微利今則為首者與往者皆出諸良家婦女千百為羣布置周密家人或莫之知彼國家差役更將何從偵察即偶或聞而知之擊獲亦良非易彼之黨羽既庶蹤跡無常蓋已預料差役之至而百計以防之也是以彼輩此相效尤日多無論老少貧富無不入此迷途沉溺既深意外之事因之而起贏者以為得意之財隨手費盡輸者或典質首飾或高築債臺某婦與夫離異某婦流而為娼皆因花會之輸所迫而出也南洋婦女本慣閑逸非若中國之中饋女紅日不釋手也且外國風氣長于陽雖曰夫綱婦柔而蓋大都不無力習俗如此人亦安之故或明知其為而無能禁止況花會得彩其息三十凡諸賭技無有能過之者婦人見識福淺而貪近利正中其奸夫以貪利之婦人而處暇逸無事之日又無男子管束之苦而有此可以僥倖得利之途此而不往非天下之至愚者乎於是母詔其子姊教其妹妯娌親戚相率而趨之嗚呼是豈可以為訓哉女子雖不治外事自有分內當盡之事日昏迷於賭博即使挾必勝之術藉此可以得厚賞尚且不可況得失之數原不可預決耶獨是花會之害人誰不知之花會之當嚴禁亦誰不知之其所以久不能禁者則以民間不肯自為設法而談其於官也不知禁自官則其瞻益張禁諸民則其風自絕何也國家防差偵獲雖無不知也偵之者一防之者十偵之者百防之者千差役之耳目有限彼輩之鬼域無窮且出諸婦女尤多不便差役雖奉國令隨地以查擊犯法之人然亦有一定規矩不得任意妄為圍房之內無故豈能闖入婦女之身無故豈能搜檢而賭徒之聚即在圍房以內賭具所匿即在婦女之身是故差役之術於是乎窮而賭者之心益無憚忌今惟民聞自禁則旬月間可令其一例清絕其法照卑中辦理公事之例由大紳董集眾會議參酌妥善首肯然後令民聞循例而行不如例者呈官究治如此人人自戒其妻子而其弊不期而自絕矣至於定例如何旁觀者安能妄為擬議臨事定奪總要寬嚴得中果能如此則檳城婦女之風庶其有進步乎余曰雖然言之者易而行之者難此事固有安民間亦正多窒礙之處首為倡議者正恐其難其人耳力弱者不能為畏事者更不敢為也客曰余亦預料及此獨是風俗所關係不得不為杞人之憂耳余雖難客言如此而心實未嘗不深體之也故客既去為書其語弁諸報端

英電譯登 ○本埠西報接得初九日英京勞打來電云意大利消息有言阿非利加洲之加治撈地方意國劃界